

兩浙名賢錄

兩浙名賢錄卷三十三目次

德業

明二

巡撫都御史李文舉昂

禮部右侍郎謝鳴治鐸

貴州布政使周文濟津

刑部尚書閔朝瑛珪

蘆州太守向中美錦

陝西鹽運使倪廷瞻頤

廣東按察司副使劉公琦瑋

工部尚書陳希冉雍

河南右布政使陸克深淵之

山西按察副使吳世安道寧

河南右布政使蔡潮

廣東按察司僉事金達卿達

附 父澤

福建右布政使吳德翼昂

工部右侍郎江景熙曉

光祿寺正卿陳子文煥

吉安府知府朱君佐謙

廣東按察司副使施聘之儒

刑部右侍郎顧德伸遂

都督僉事陸鶴齡松

右僉都御史陳崇之世良

工部左侍郎沈以安節甫

工部主事戴時化鰲

工部右侍郎嚴應階時泰

工部侍郎方薦

弟邦秋附

太僕寺少卿馮鳴陽應鳳

廣東按察司副使許子燠嶽

太平府知府吳望魯一儒

江西按察司副使吳宗乾源

吏部侍郎陶虞臣大臨

禮部尚書孫志高陞

工部尚書潘時良季馴

刑部主事陸元晉杲

孫基
誠用

山東左叅政馮元卿繼功

子伯
禮附

高郵州判官姚景暘旭

大理寺左少卿商尚德爲正

太醫院使朱宗魯儒

湖廣布政司叅政王宗魯泮

兩浙名賢錄卷三十三目次終

兩浙名賢錄卷之三十三

東海徐象梅仲和氏謨

富湖陸澄原嗣端氏闕

德業

明二 共三十八人

巡撫都御史李文舉昂

李昂字文舉，仁和人。天順甲戌進士。成化二年出知青
州。先是政弊民勞，逃亡接踵。昂至，問疾苦，首劾賊吏，置
於法。暨請積盜，一切焚夷，殆盡。量貧富均徭，後募民開

田而緩其課。人不能償者。官代之輸。值歲大飢。昂捐帑分糴。復愀然曰。民已枵腹行。將填溝壑。其何及耶。遂不俟請。開廩以賑。不足。復移歲輸助之。繼勸富民粟爲粥。以飼餓者。全活甚衆。旣而法吏以不請論昂。歎曰。民旣生全。罪復何憾。自劾乞罷。上下部議。詔所移粟與輸官同待。加獎慰。昂尤慮飢饉。後民不能畊。循行阡陌。貸與之具。其憊癯無告者。闢廬棲之。時給服食。問吊藥槥。是漏澤園於關北。俾道殣者。託瘞焉。流移復歸。外封附者。編湊博興一邑。至占三千餘戶。父老歎曰。不圖今日。

復見富公也。尋參閩省政，歷藩山東、河南，擢都御史。遷撫江右。時信豐、安遠、武平、上杭等處劇賊陽九隆等俱亂，昂奉命統兵討之。先聲所加，民夷誓服。境寓悉平。兩廣狼狽，昂叛江右、湖湘、閩浙，羣盜乘間竊發。事下廷議，衆共推昂乃命。建節率諸道兵往討，併制六藩。昂親統大衆深入賊巢，斬獲以萬計，散處諸脅。從於襄漢境上，得賞死者八千餘人。捷聞，賜手勅褒之。改督漕運，創開康濟等河。濬安平、黃河諸源，未幾卒。勅賜祭葬，陰其二子。昂長材遠略，所至輒多德政。始於一郡，終及六省。

兩淮而救荒之政青民迄今頌之以比富鄭公云。

禮部右侍郎謝鳴治鐸

謝鐸字鳴治台之太平人舉天順甲申進士第入翰林
爲庶吉士授編修預修英廟實錄成進侍講謝病居
數年弘治初召修憲廟實錄乃起供職擢南京國子
監祭酒動以身教每嚴約束疏請增楊龜山從祀而黜
章廬吳氏請別祀叔梁紇魯督顏路孔鯉配之以全倫
義皆不果行尋致政歸以薦擢禮部右侍郎管國子監
祭酒事買官廨三十餘區居學官以省餼直皆出夫皂

顧役餘悉籍爲公用。諸生有死者，請京府致賻，給驛歸。其喪先是因學自會，膳不行，膳夫輸役，遂爲祭酒常費。鐸乃盡籍貯於公，不私銖髮。奏均給其屬，與諸生之貧者，餘爲修治圯廢之需。至今行之。修歷代通鑑纂要，命爲潤色。官論黜晉隋胡元之統，識者避之。上疏引疾，給驛以行。正德庚午卒。特贈禮部尚書，謚文肅。鐸孤介寡合，性氣屹屹，嗜義如渴，見不善若將浼然。家居孝友，自遠養後，輒無意仕進。少從從父學，師事終身。其父贈君嘗捐祭田三十畝，鐸買田代之，而以其田分諸弟及供。

家塾間以葬族之貧者。修宗譜。構墓廬。爲合族計。媿當
知識困乏者。皆有周卹。然實無長物。惟節俸入爲之。其
居恒第疏食水飲而已。爲詩精鍊不苟。力追作者。文尚
理致。謹體裁。考訂評騭。多前人所未發。所著有續真西
山讀書記。伊洛淵源續錄。伊洛遺音。四子擇言。元史本
末。宰輔沿革。國朝名臣事略。尊鄉錄。赤城新志。及詩集。
論諫錄。螳忱稿。歸夷雜詠。總山集。祭禮儀注若干卷。

貴州布政使周文濟津

周津字文濟。慈谿人。登成化甲辰進士。楊學士守陳一

見奇之曰。此濟世才也。授行人。時北虜臨邊。假貢獻以
覘我虛實。廷議推津往諭之。虜見津風神皎然。詞義峻
整。驚指羅拜而去。轉南京河南道御史。監龍江瓦屑二
權務。中貴百計啖之。不可得。守備巨璫蔣琮欲求一見。
無由致之。一日治具蕭寺。托津同僚相邀。津及門始知。
卽策馬返。出知九江。寬徭薄賦。洗冤澤物。汲汲如不遑。
在郡九月。巡按御史周進隆以瑞州盜起。切質縣令奏。
津改任。郡民赴闕乞留。不許。津行。老稚攀送。哭聲震野。
抵瑞。卽疏捐逋賦。與民更始。而賊首王武感津德。化謀。

罪自新擒其黨劉洪等以獻一州遂平無何逆瑄州事惡津不附已二次罰米輸邊共八百石計無所出瑄民爭先代輸津令家人歸鬻產以償轉江西左叅政歷陞雲南右布政時土官那代兒殘嗜殺白骨以澤量津爲鎮巡畫策卽擒以伏辜滇溢爲患隨濟隨塞蓋源廣末狹勢所必至鎮巡屬津治之津謂必整漢厥諸墊始保百年無事乃徙其居民而鑿之開子河以殺其勢滇遂永利至今未幾疾作忽有紅光自天墜於庭俄頃卒

刑部尚書閔朝瑛珪

閔珪字朝英烏程人天順甲申登進士選授山東道監察御史成化六年擢江西按察副使已而改廣東進按察使庾嶺介南雍南安間三境爭田不決珪方會勘衆忽嘯呼爲變人勸珪少避珪不動徐爲處決令下三境胥悅各散去新會民嘯聚山谷爲亂珪出諭以大義賞其逋負遂安堵如故時江西南贛盜起擢珪都御史巡撫其地至則具疏盜賊之作皆巨室是由請連坐之仍革豪右橫取之弊京官由是多不悅賄通嬖倖李孜省諧珪不勝其任遂左遷廣西按察使弘治初召復都察

院都御史。巡撫畿甸。尋進刑部侍郎。四年以都御史總督兩廣軍務。番萬諸蠻相繼爲亂。督其下討平之。其討古田也。都督馬俊及叅政馬鉉敗死。時以致敗自俊等珪引咎自劾。時議又欲濟師。珪謂罪自首惡。乃設重購緝之。已而賊果自縛以歸。珪又歸功於下。進南京刑部尚書。尋改左都御史。掌都察院事。加太子太保。遷刑部尚書。珪前後在法司。屢治大獄。皆會切情法。加以仁恕。刑無寬濫。逮東指揮張天祥。襲殺虜爲功。大理少卿具一貫當其罪死。會天祥死於獄。孝宗大怒。欲置一

賈重辟珪與都御史戴珊進曰一貫推按不實罪當徒
上怒不解珪力爭曰法如是足也一貫罪止貶官宜撫
遠妖人李道明蔓延數百人巡撫者欲張大以爲功珪
識罪止道明餘悉縱免正德初逆瑾用事遂請老卒年
八十有二

蕪州太守向中英錦

向錦字中美慈谿人舉進士除東流令從容不見設施
而民以安裕御史以循吏薦擢鳳陽同知值歲大侵侍
郎王瓊承命賑濟按籍給散惟士著者得食流民多碑

死錦閱之白於瓊爲計口給食數萬人無一譁者瓊特
疏薦之陞南禮曹出知蕪州府安南夷黎飯因國亂脅
居民百餘越屯蕪界中欽州以獲寇申御史御史方傑
其功夷皆論死錦審之皆携老幼提篋筐籃縷無一兵
仗力爭於御史以爲夷人越界罪止首惡餘宜遣還御
史怒以受賂失出奏其後事雖得白而錦竟免歸合浦
產珍珠採取費鉅萬錦一無所私歸橐蕭然馮轉運志
迎勞之曰若子者真蕪州守也以所居讓二弟得葑田
築室其上籬落不捍風雨夷然安之錦博學強記爲詩

遇盛唐有寓廡集左氏咏和梅百咏竹坡稿

陝西鹽運使倪廷瞻頤

倪頤字廷瞻海鹽人天順丁丑進士任工部都水司主事治泉山東改兵部武選司調兵陝西俱有聲用大臣薦起擢懷慶府知府懷慶財賦累年多逋負而境內盜賊滋蔓自濫政後逋賦悉完盜賊屏息歲適飢賑貸有法民無流徙以禮法啟治藩府軍校妨民者皆斂戢有造飛語誣頤下西廠窮訊一無驗事解名益彰內外喜交章薦之遷河東陝西鹽運使吏部尚書尹爨誦之曰

河東重地。知君。庶慎。老成。暫借。一行。耳。願留。妻侍。母。獨
携。一子。之官。盡去。鹽池。宿務。利澤。大盈。鈇趾。之法。懸而
不用。未幾。解任。歸。居家。孝友。天至。若親。喪。廬。墓。有。白。鶴
來巢。

廣東按察副使劉公奇瑞

劉璋字公奇。海鹽人。成化甲辰進士。授行人。選御史。奉
勅督兩淮鹽政。兼沿河道。瑋執法嚴。所司有阻壞鹽法
者。奏擬戍邊。遂著爲令。時兩浙山東水旱。疏請賑以。塩
筭餘銀。全活者甚衆。高郵湖風濤不測。時時壞運船。反

客舟歲不下以千計於是築堤四十里沿堤別爲裏河
通漕運名康濟河至今賴之免覆溺之患按廣西大去
賊吏擢廣東按察副使聲績益懋正德初請老卒年六
十九璋孝友庶靖恭恪端嚴終日危坐望如泥塑人論
者方之叔泰俊爽不及而重厚過之

工部尚書陳希冉雍

陳雍字希冉餘姚人成化甲辰進士授工部主事改刑
部法比詳練尚書白昂倚重之遷湖廣僉事分巡荆南
監利大盜黎彥斌父子五人出沒蘆荻中聚衆至百餘

雍擒其四子，彥斌遂出就獄。壽王之國保寧，道由荆南，宜都知縣歛民千金餽王，雍捕治知縣而責金還民。中官欲暫駐夷陵，畏雍卽急去。正德初，歷遷山西右叅議，晉副使，時奄瑾擅政，厚望諸司以貨，雍獨不與。通瑾有異，父女弟談適布政孫達，吉生子聰，官兵部司務，狡猾多智，瑾倚爲謀主，凡僞作詔令，多出其手，自謂力能生死人，氣張甚。大臣莫不柔色下之，四方餽遺相望於道。聰，澤州人也。雍初補山西時，以省帥故，盛供具邀雍飲，雍託疾不赴。履任後，又不以書謝，聰大憾之，造爲蜚

語聞瑾將中以奇禍會瑾敗得已。聰亦坐誅。詔下兩淮籍其家。雍奉法以治。株連一無所逮。遷廣東按察使。少傅梁儲家在南海。子次德驕橫殺人。兩臺交章發其事。并及儲。或稍爲調護。輒中白簡。詔遣官覈之。皆顧望莫敢斷。雍檢故牘。嘗當次德謀殺人從者不行。滅行者一等。而殺人時次德已赴京。里狀月日明白。因歎曰。可避言而故重坐乎。卽如前擬奏上得允。聞者服其公。廣州有鴨步稅。供制府。猶士雜用。畜鴨者動以數萬計。縱之蹂踐禾稿。莫敢問。問者輒被罪。雍革其稅。并取鴨步志。

焚之民賴以安。遷河南右布政轉貴州左。擢都察院右副都御史。撫治郎陽。值歲飢。爲請太和祠。稅周給之。銜卒。爲暴於均州。有司捕治。聚衆逆拒。雍移文詰責。卽共縛賊魁鄧璽等。首服。一州以寧。乞休。不允。會乾清坤寧官災。詔湖廣四川貴州三省採大木。擢雍工部右侍郎。兼左僉都御史。領其事。雍上疏乞休。并言採木之害。大略言採木不費金。致木費金。致木之費不苦。雇直苦。侵輒令請以兩法行之。中材仍故事。募商自致。巨材官採之以庸法。徵金募願往者。謹給廩。寧飽。役夫毋飽。宿滑。

部勉留雍卽下部議如雍策雍徧歷三省鑿山通道沐
霧露披榛莽至險天處拾車援膝崎行度高下遠近以
程功力見役者必溫語慰勞之衆大悅咸勸於事三年
巨木至京師者數萬而民不言疲官成賜白金彩幣蔭
一子入監讀書尋擢南京工部尚書致仕歸家居十餘
年年九十所司以例請賜羊酒存問雍厚重簡默數歷
中外四十年卒以恩禮終

河南右布政陸克深淵之

陸淵之字克深上虞人成化中進士授禮部主事尚書

陳文卒謚莊敏不協輿論乃引同馬光論夏竦事劾之
時多其直未幾出知敘州府歲大侵發粟數萬斛以賑
郡多淫祠悉毀之以祀前代之賢者諭民當孝享其先
不宜崇惑靡費暇則進諸生講明理道興起者甚衆寬
程省訟四境大治卽白羅夷民亦帖然向化敘人至今
俎豆之後叅政河南進右布政使卒於官同寅檢其篋
筒僅餘俸金二觔耳淵之篤行好學詩文有古意書善
行草居喪不出戶限家無宿儲或干以非義堅拒不納
部使者移檄爲建坊亦固辭之其捐介如此

山西按察副使吳世安道寧

吳道寧字世安先爲溫州之澤頭人國初以閩左徙實
南京父維成化初官溫縣教諭嘗夢於黃河中流蓋樓
因曰吾當於河內起家遂占籍河內而道寧果以禮經
魁河南丁酉鄉試戊戌登進士第授益山縣知縣迎教
諭公就養雞鳴束帶先侍教諭公七箸而後出坐堂皇
公是復束帶侍立杖履間不命之退不退也教諭公復
時時訓之曰爾知事父以孝抑知愛民以慈乎羅一邑
之惟以奉一人是謂志養非升斗之爲是沾沾也道寧

奉教故悉心拊循而百姓感戴過於父母考最召拜監察御史巡鹽河東先是河內民奏開廣濟渠不果及道寧勘鹽引十萬應否克給河南官軍俸糧者道寧曰俸糧一省利廣濟渠一府利均爲國家至計吾將兩成之達諸河南兩臺檄下所司重舉如雲渠成如雨溉田數十萬頃巡按真定四府墨吏望風解綬去時開州有巨寇魚肉一方交結在茲莫敢誰問道寧設法捕獲戮諸市曹人心大快陞山西按察司副使整飭雁門等三關兵備創築寧武新城及沿邊堡寨俱募軍克實武備一

新邊人至今賴之。未幾以徵疾乞骸骨歸。時廣濟渠通塞不常。道寧因邇流窮源相度地勢。直至五龍口。歎曰。使渠由此而行。數世之利也。今未二十年而塞。蓋創始者失地利耳。遂白諸當道。達廣濟舊渠三四里許。別開利人渠。五年而後成。水利至今賴之。濟水初達府城東。流入河道寧。因行渠。見其南流。曰。此古蹟也。豈可與今利而忘古利哉。復修架橋六座。新流從上。濟流自下。二利並行而不停。優游林下。三十餘年。無疾端坐而逝。年八十有九。臨終不及已事。第謂諸子曰。汝等不須憂貧。

但教子孫讀書做好人耳當時以爲格言

河南右布政使蔡潮

蔡潮字

臨海人弱冠業詩更業春秋浩博精詣於

書無所不窺弘治乙丑舉進士第選翰林庶吉士改兵
科給事中慷慨敢言中外想望風采遷湖廣按察司僉
事奉璽書督學湖湘轉貴州又奉議貴西南荒徵蠻瘴
藪葺兵革相尋時清平苗寇據香爐山以叛勢搃全省
潮毅然躬鎮其地扼吭擗虛竟底蕩平自鎮至省城七
十里而逆重岡復嶺崎嶇險絕旅行者歷數舍無所息

肩乃爲之十里一亭翼然相望迄于今庇其蔭不衰尋
轉福建右叅政奉勅督理糧儲悉心擘畫軍儲給而民
不勞泉漳二郡樹大事碑以表其功他如萬里林鹽田
竊飛鸞嶺諸地昔皆魑魅魍魎之窟潮胥相其險隘輒
爲梁涂蔽以亭宇一旦芟薙爲康達秩滿轉河南右布
政使道出建陽時朝天橋燬於火民以舟渡多沉溺公
私爲病聞潮過號泣遮留願復橋以濟潮惻然弭節驛
庭解衣爲倡聞者爭助之卽日掄工授成筭視舊有加
落成而後去人擬之端明萬安云及蒞汴凡注厝悉務

寬平與民相休息。兩河膏四通八達之區。盜賊充斥。下令郡縣。道周悉植榆柳。縱橫各以行列。賊騎卒難於出沒。而百姓亦賴其薪蒸。未幾具疏乞休。五上始得允。既歸。徜徉山水。淘寫吟咏。適然樂以終日。不事家人產。而販貧周急。則終身無倦色。凡有便於人者。必盡心力爲之。而後已。自筮仕。以至蓋棺。四十餘年。如一日也。卒年八十有。三潮性孝友。好讀書。未嘗一日釋卷。爲詩文。肆筆而成。求者靡弗應。短章片簡。率寓箴誡。不爲無益語。所著編次名言二卷。判義六卷。對偶菁華一卷。藏於家。

廣東按察僉事金達卿達

父澤附

金達字達卿其先鄞人也曾祖真以閩右徙實京師達
占籍上元父澤累官南京都察院右都御史達幼承家
學以尚書舉弘治丙辰進士除陽信縣知縣以豈弟稱
三載考最擢太僕寺丞改禮部主客進祠祭員外郎陞
廣東按察司僉事大帽山賊累年爲患達率兵徃征一
戰而擒其渠魁林貴等斬首千八百級且畫善後便宜
數十事四境迄安堵千里之內無藉夜當路以爲材方
嚮大用而達念都憲老遂乞身歸日侍左右竭盡色養

之誠都憲安之忘其老及卒旦夕啼泣如嬰兒達爲人
鬼格倣儻有材略平生見人之乏必周之遇人之厄必
拯之設有不及如痲痺在身其令信陽也前令負官銜
妻子又繫幾庾死達立爲償之復厚贈而歸其孥一時
翕然稱爲長者以爲宜登年載福以食其報而僅得中
壽以死說者每致疑於天道云

福建右布政吳德翼昂

吳昂字德翼海鹽人六歲而孤性端穎嗜書聞海寧祝
先生萃者解官授徒四方學者多從之乃短褐草鞋從

一老蒼頭負書走數十里投贄進謁祝先生一見器之
昂荷知己感激膏發鏤心鉛槧業大就弘治乙丑舉進
士授宣城縣知縣宣城人弗善耕織昂教之耕織不三
年而民無凍餒者更新建新建則寧庶人宸濠所居也
方宸濠未敗時坐擁王號驕橫莫制日張爪牙索民租
其刻民不能堪遂結寨丁家山以拒之宸濠大譴曰新
建人反諸大吏在會城者莫敢言昂獨以爲民幸有敵
而然不可以反名乃昌言曰進曰始吾有疑於此民之
敢於抗大王也乃今知此民非有反於大王也愚者狗

財以忘生，惜者勢極而生變，此可以理法散，非可以威
力驅也。乃入丁家山，呼父老諭以禍福，諸父老皆頓首
謝。應時解散而宸濠獨慙慙然，謂昂備祖新建人也。已
而歲大飢，公私無備，民大困。昂立抽補法以賑，而全活
者幾數十萬人。尋轉南刑部主事，以忤司寇乞歸。起南
兵部武選司主事，陞福建按察司僉事。福寧有訟妻殺
夫者，昂疑其獄，禱於神。夢一小兒據其腹，昂曰：殺此夫
者，必杜福子也。踪跡之，果有杜福子，與其夫賈殺而攘
其貨，捕之一鞫輒服。妻得不死，閩人以爲神。超陞福建

參政晉右布政使三疏始得休既歸不復從章縫游或
扁舟或徒走混迹漁樵間意甚適人或狎之亦不較晚
年尤究心鄉曲利害歲飢數爲請賑海隄爲患特疏於
朝得專勅水利憲臣經理迄今賴其保障邇向所從受
業祝先生者死昂奔赴喪次寢苦枕塊擗踊號哭如子
喪父說者謂今人古道復於昂見之不啻空谷足音云
工部右侍郎江景熙曉

江曉字景熙文昭公淵之子也舉正德戊辰進士主考
王文恪高其才以爲宜在詞林曉以文昭公在南京乞

便定省授南兵部主事改武選考滿轉職方司員外郎時虜入白洋口設謀防禦曉功居多虜退賜彩幣一襲陞車駕司郎中時武廟巡游無度傳旨敬闕無間晝夜曉日宿於公凡違例者悉不與仍定例則條奏若爲令調吏部稽勲司郎中同僚多飭威儀而曉坦夷率性維持正秉公留心人才臧否每冢宰咨及必直言會有候選百餘人咸稱稽勲公而怨考功私而刻冢宰深然之由是爲同僚所忌無何而考功忌者轉文選郎中遂出曉爲山東布政司右叅政士論甚不平曉欣然就道

惟以盡職爲念。每出行部。卷筒必露。檢而後入。自傳金
之外。一介不受。歲歉。議奏免民租。仍加賑濟。又嚴追侵
匿錢穀數十萬。故糧不愆期。而民不告勞。陞山西右布
政使。值歲大侵。太原平陽民多轉徙。曉極力安輯。賑濟
全活者以萬計。時曉聲望日隆。然孤介自守。頗不悅於
當道。歷三年。始遷應天府府尹。憂歸。復起尹。應天歲大
旱。蝗不遺種。乃發長平倉。暨屬邑預備倉穀數萬石。分
賑之。全活亦數十萬人。晉工部右侍郎。大工方興。奉勅
督理帑藏。常不給部議。加派者。皆曉鈔監費。執若節用。

之爲寬民也。今夫匠冗食而物價昂，身不躬，徒爲勢要奸商之資耳。乃諭司屬，簡其人，平其價，量工稱儉，盡裁內官監所估，且防檢嚴肅，乾沒者束手，諸工畢舉而費用不耗時。肅皇帝將薨，承天命內官監沿途搭蓋行宮，令曉先往迎視，督理既罷，辭出京已，復有欽改駐蹕程次，增寫慶都、新樂、栢鄉、磁州、湯陰、五鹿，禮部尚未刊布，先馳吏報曉，曉隨照新定程次，行據按應珥胡守中，速辦以須，駐蹕已，則兼程詣諸州縣，督有司晝夜促迫，事皆有緒而守中弗知也。恐緩不及事，乃定國委罪於

曉。慈。諱。獄。奪。職。爲。民。晚。念。家。屬。復。徵。服。闋。道。之。京。游。地。
士。民。相。訝。曰。是。前。日。巡。視。公。也。爭。具。肩。輿。送。之。蓋。曉。此。
奉。命。而。南。也。恐。扈。駕。者。衆。有。司。供。億。不。支。自。備。乾。糗。道。
遇。止。受。糜。米。三。升。故。民。感。激。若。此。曉。旣。歸。角。巾。野。服。闕。
戶。省。愆。無。何。而。胡。守。中。以。罪。弃。市。士。林。稱。快。自。曉。被。誣。
臺。諫。多。不。平。然。讒。人。在。位。未。敢。顯。言。自。是。累。疏。交。薦。無。
虛。歲。而。曉。竟。以。徵。疾。卒。卒。十。三。年。穆。宗。改。元。用。舊。諫。
言。庸。尚。書。祭。葬。悉。如。制。曉。來。變。登。朝。數。歷。中。外。所。至。功。
見。言。信。而。文。學。政。事。雖。然。爲。士。林。所。推。天。性。孝。友。事。父。

學生養沒哀情逾於禮兄。歸弟。卒無嗣。俱悉方。妻。事。養其繼子延承。已廢。白首怡怡無間。言聲色貨利一無所染。惟玩索經籍。考覽本朝文獻。鄉郡沿革。與夫靜宜野史地理醫方罔不旁搜。以此自老。所著有瑞石稿十卷。歸田錄十卷。春秋補傳十五卷。傳於家。

光祿寺卿陳子文煥

陳煥字子文。餘姚人。以進士。歷官工部主事。改南京。調部員外郎。歷禮部儀制郎中。陞廣西右叅議。雲南提學。調使湖廣右叅政。江西按察使。晉布政使。入爲光祿寺。

卿致仕煥天性淳厚居官以仁恕爲心至義所不可不爲苟同富在淮時武宗南幸巨關悍將從所過大索賂莫敢違者煥曰禍福命也何以賂爲弗賂亦不及於禍在廣右分守柳州猺獞出沒爲患奉將沈希儀領兵界上欲誅之煥謂之曰猺不可盡雖兵之亦不能止其息不如以恩信撫諭之遂與希儀入其境召諸酋長更爲約不犯則賞之諸酋長大悅聽約束終其任不敢犯柳州滇南士習與中土異煥教之切切惟安貧執義以廉節爲先率之自躬士由是嚮方肅皇帝之駕幸承

天也。所遇有司，或坐供帳不具，得譴劾廣撫臣以奉嚴
事，檄煥煥條其巨細，罔不飭備。一時以爲能，遂簡督修
顯陵，殫力程工，務極壯固。稱上旨，告成，詔進一階，有
金幣之賜。一日渡漢江，大風雨，舟幾覆，衆擁煥泣，煥神
色不動，指顧舟人分拯溺者，活數十人，竟以無虞。任江
西獨四年，安和寬簡，官民便之。吉水豪某者，依山阻水，
恃力與有司抗，乃逮至庭下，察之，憐人也，貸其死，皆悉
卒，改行爲良民，所行每若是。光祿典內府諸膳，饈中貴
率溢額，以需煥披籍應之，中貴頗不便，因構語中傷之。

煥遂稱老乞致仕歸煥之所履兩逢大狩一治顯陳
他人或憚憚慮不免而煥皆因之以有譽名柳夷之章
宣恩以樹威漢江之危急人而忘已吉豪之獻捐文以
得情蓋仁厚性成而智足以行之者也卒年七十三

吉安府知府朱君佐諫

朱諫字君佐溫之樂清人弘治丙辰進士初知歙縣以
幹治稱艱去服除改知豐城治如歙以彊項失上官意
又次始遷知武定州復以事忤巨璫走愬逆璫璫怒將
中以奇禍聞者胥爲諫恐而諫視事自若日禍之有無

數也。瑾其如我何。會瑾敗，免遷南京兵部武選司員外郎。郎中時，贛州大帽山賊延袤闕廣數千里，中多谿谷，賊憑巽害，時出爲民害。朝議僉曰：非朱武選莫可治。贛者，遂知贛州府。蒞任無十日，卽舉兵壓賊境，下令曰：能捕賊者，卽以所得贖贖責之。官無所與，人懷利，競赴敵。賊其魁，俘黨惡數千百人，諫度其窘，遣使招徠之，俱倒戈降。因散置於安遠、龍南諸處，給之牛糧，俾耕以自食。賊感激，遂爲良民。以功，移知吉安。吉安巨鎮，素稱難治。又乘寇數家，脩宸濠爲虎狼，前後二千石皆憚濠，置不

聞諫憤然曰守何爲者而能坐視鼠輩橫若此也且王
府何爲悉械繫之按如法時濬叛謀寔成諫計卒難告
變則儲餉募兵浚湟修垣人莫測其故會丁內艱歸歸
二年而濬果叛御史王守仁既稔知諫所爲至是謀討
濬曰吉安朱守之所預備者也合是安所圖功乎乃趨
吉發兵卒擒濬守仁嘗移書歸功諫諫頰感曰宗室負
恩古今大惡不幸而吾慮中朝廷方流滂行誅敢以爲
功耶服除甯遷自以仕途寡諧遂謝事不出時年五十
有四諫孝友純篤處三黨悉有恩自奉儉約少有餘積

輒施以利人。嘗見芳林嶺峻險，人苦負挽，卽於海濱平
衍處，覓路餘三十里行旅以爲便。東山渡當鄞台旣括
之衝，水駛而深，渡而溺死者歲不下數十人。諫造巨舟，
移渡山內，自是民不虞水死。平居手不釋書，究心經典，
其令豐城也，蔡虛齋督學江西，與論諸經及河圖洛書
之旨，至夜分握其手曰：吾始見君，製作謂爲詞家，繼見
政事，謂爲能吏，乃今而知君理學中人也。其爲世儒所
推許如此。所著有學庸圖說、李白詩註、宋史辯疑、詩評

廣東按察副使施聘之儒

施儒字聘之歸安人以前書舉浙江丁卯縣試明年上春宮時逆瑾擅權播弄人事號正直者多遭斥逐編氓之禍乃託疾歸教授吳門瑾誅之明年爲正德辛未入奉廷對賜進士出身拜監察御史出巡山海關改巡應天會有都城門卒故出入權貴法當遣戍權貴請之不聽反論奏儒有旨逮治下詔獄羅織備至竟無他左驗以微罪奪職肅皇帝入嗣大統詔起廣東按察司僉事兵備潮惠間潮惠故盜藪擁衆多者至數千人沿

山結寨互爲聲勢官府不能禁多招撫曾無何復劫掠如故以爲事體不宜輕動幸毋爲大耳儒至部勒狼目漢達官軍密授方略分道進剿直抵龍川山悉平之明年平新田寇又明年平姚子園寇皆斬獲二千級以上達請設惠來大埔二縣賦於是無所逃遁今潮惠之間民得老老長幼不聞徵發不事金革者儒之功也擢福建參議業行矣當路者請量加儒憲職俾得終事潮惠間而儒亦曰我思用廣人比命下得授廣東按察司副使整飭兵備如故先是惡少航海者持鴿鳥之東夷得

二十金卽詭言嘗嗜鴿可射利革百爲羣奔走乾沒有以資產易一鴿契成揖讓與之不色吝者郡廢耕織鴿鴿若狂儒卽斥言此鳥妖也不可長特嚴禁捕庶首事數十人置之法閱數月而後定有陳給事者與儒同年居鄉橫甚爲怨家訟之朝行廣東覆按儒直怨家而論陳給事如法夫權貴意遂落職歸居數年與湖守劉天其尚湖中稅輕重不相準以故民多逋負日以流移而吏課殿劉毅然以均稅請於朝得如議行今所謂惠潮大計一書信大計也已又請割烏鎮地立爲縣雖不得

行竟得該通判一員專制其土。至今盜徒盜賊有所擧
壓而不至大爲奸宄者。儒之議爲之倡也。其施德於地
方非淺鮮矣。所著有學庸臚說等稿藏於家。

刑部右侍郎顧德伸

顧遂字德伸。餘姚人。正德丙子。舉於鄉。明年成進士。授
刑部主事。 毅皇帝將南巡。伏闕疏諫。廷杖幾斃。世

宗登極。嘉其忠。陞俸一級。歷本司員外郎。郎中。出知嘉
州。值歲大歉。出金糴粟。遣官分道煮粥。以食餓者。復遣
撥旁郡約無遏糴。民賴全活者數百萬。人明年夏復亢

早遂塲誠禱之雨隨注民爲建喜雨亭以志德治旁民
居火作烈甚遂匍匐拜之火尋滅治惠五年法嚴政平
民戴若父母遷廣西副使兵備賓州等路以父憂去服
除改福建副使兼督海防時議造戰艦禦賊遂謂濱海
居民處舟若家寄跡於商乘間爲盜計莫如籍海舟於
官以便稽覈卽以巡捕事付之省費數十萬至今以爲
利遷廣西右叅政分守思恩方土目爲亂勢頗披猖遂
親督行陣斬獲酋首餘寇烏散遂曰使賊畏我而退不
若悅我而服也乃單騎之界上招其餘黨諭以利害昭

示恩信皆俯首聽約束以功遷貴州按察使遷湖廣左
布政使督修顯陵事竣三錫金幣晉右都御史建撫
遼東坐累左遷山東叅政再遷廣東右布政使尋陞右
副都御史提督江右閩廣等處軍務晉南京刑部右侍
郎掌部事務以伸冤最暴爲心有監生朱璟誣坐殺人
罪久不白遂慮得其實奮筆釋之百戶劉羽兇暴狡黠
殘賊善類且交通權右爲城社衆莫敢誰何遂按擒之
即日斃之獄至今人猶以爲快會太夫人卒聞訃奔還
哀毀成疾竟不起年六十有六遂資敏質厚平生未嘗

輕毀譽人敦倫尚義日不暇給擢仲弟孫如巳子姪唐幼失恃歲携之官教育有成魁乙未會試族黨聞里無不稱爲長者云

都督僉事陸鶴齡松

陸松字鶴齡平湖人父瑋以錦衣官從獻皇帝就國故得事肅皇帝於藩邸及肅皇帝之登極也詔徵龍諸舊臣皆世其官松以副千戶世襲歷陞指揮使與詔獄松增較重厚平居無戲言時大獄數起而松用法平恕以保全善類爲心雖上意所欲嚴譴松堅持之

不爲動精神多賴焉御史馮恩聞松之卒爲製服哭之
曰今誰復持平如陸公者乎其得士心如此松性至忠
以時政得失爲憂喜每治獄得赦免忠賢歸輒欣然與
妻孥對酒甚樂有不如其意卽默坐弗食家人不敢觸
也識者謂松憂時守正有古大臣之風官至都督僉事
卒贈都督同知

右僉都御史陳崇之世良

陳世良字崇之臨海人以進士令樂安樂安俗器風氣
於理良勞心殫思恩以撫之威以震之民畏且懷時迎

母就養官舍見良貌瘠勤劬憂形於色及聞民樂其惠士頌其廉則解頤笑曰吾無憂矣及考績適以內艱去民越境攀號依依不忍舍服闋補南和治法一如樂安而益摩厲學官以興教化一時士民蒸蒸向學絃誦之聲達於四境邑之小戶村田數百畝地下每爲流澇所沒良築隄障之隄上雜植榆柳以固其基數年鬱然夏日行旅蔭其下無病渴者又鑿河渠三十餘里引以溉田遇澇則洩而歸之河無所事甞而畝歲收一鍾先時牧馬場歲收租銀一千五百緡有奇不問地之肥瘠而

樂徵之小民告病良請於朝得旨隨地量徵減舊額
十之五措置預備倉糧以數萬計窮獨無所歸者有養
婚嫁歛葬不能舉者有助由是遁逃復業者數百戶而
四方流民來歸者又千餘家無不愛戴之若父母縉紳
士大夫交口而頌者無不色喜良獨泫然曰恨不令吾
母見也考最召拜監察御史時逆瑾干政竄逐忠賢良
憤然抗言之爲瑾所忌尋遷南京大理寺丞未幾瑾中
以事調贖米三百餘石衆皆吊之良不爲動瑾敗首樞
閱大理卿尋晉右僉都御史兼管操江憲度振甯一隅

倚以爲重。適流賊猖獗。良悉心防禦。朝夕申明號令。刻期督戰。所至克捷。屢疏乞休。口不言功。及得請。卽飄然東歸。杜門却掃。日與賓舊徜徉湖山間。若將終身焉者。後以薦起。應天府尹。堅臥不應。卒於家。所著有青嶼稿。若干卷。藏於家。

工部左侍郎沈以安節甫

沈節甫。初名之歷。以字行。更字以安。烏程人。嘉靖己未。進士。於時分宜在事。欲授之中秘。使人授楮。不應。乃授禮部儀制司主事。曹務甚簡。日閉戶讀書。考定本朝故

實曾有疑禮無不取。采主部務者深相倚注。高靳鄭雖名相亦引重。顧時自貴倨。會以事詰責。主政甚厲。節曰：上下之交有禮。何至是。輒令掾史以故事白。且曰：沈郎中云：靳鄭不能奪也。而時多玄撰。猶屬節具草。且曰：是該司事。節持弗具。會又有旨建祠禁地。令黃冠祝釐。節曰：茲卧榻側。而令羽人闖出入。非祖宗防微至意。又持弗建。靳鄭義不能難。而具以此失。上旨恚甚。節移疾避之。歸而喪其母。服未除。即家拜光祿丞。踰年赴召。則靳鄭以首揆攝冢宰。益貴倨。諸附麗者益踰檢柙。復

移疾避之又二年新鄭去明年始出補尚寶丞則江陵
爲政於時多用鬻征士或軟熟就牢籠者而節質本強
項三歲始量移本司少卿旋轉卿於南蓋自爲郎秩六
品至是十九年始進一階耳無何而奪情起公卿臺議
同聲貢諫節浩然歎曰三綱淪矣遂上書封公願長乞
身奉林壑封公不許不得已勉之南都或基之曰吾曹
故事不得無書抵政府節與謝不從江陵母入京取道
秣陵送迎傾都邑獨節一人不出竟致仕歸又四年而
江陵卒詔起南京通政司右參議尋擢叅事常進尚光

祿卿復改卿太常有薦新疏謂國初本取諸歲內遠駐
非新且徒耗郵傳飽中人橐耳宜改派北不報已陞南
大理卿刑部右侍郎無何召爲工部左侍郎署堂事復
念尚方非時宜棄不可程首輒請止一切傳造不報自
是輒數月一傳奉節輒持之上亦輒不報節乃引

祖訓一款凡內官內使傳旨各該衙門具本覆奏再從
旨然後施行則覆奏而未得旨者其不可行明矣亦竟
不報然節亦竟以此持不行五請而始得旨上竟從
奏省諸奇巧雜戚者歲省費不貲浙比不登奏減糶道

五之一歲運亦減三爲二兩運所寬率三歲省一而隆
爲德亦不貲。適安樂工興抗疏請罷。且言陛下亦宜平
性氣慎起居以防不測。忠懇所發蓋腹心重臣難言之
者。水衡錢大盡在預支節。庶其情不預給。姦商大窘而
王蓋臣者其魁也。猶挾貴近人居間不得。且見法一給
事聽不審。顧論節不宜重困。蓋臣節志口吾以法杖。一
就法之商。何至頰白簡。遂直疏居閭狀。且言法不可機。
寧乞臣骸骨而預支端。必不可開。遂得旨。如節言。當是
時中外竦然服。上神聖明察而節之守正不阿爲貴。

近所憚因言者乃益著節於河渠講求最久往來問河
所滄射分合潮洩處甚悉一切隨宜修救俾無薄陵無
梗漕勞畫曲中多苦心而廷臣紛紛上便宜節一意持
審不欲妄爲國家興大役乃疏言近日河患在河身日
高高在清口則淮水不得出爲 祖陵憂高在鎮口則
關水不得出爲運道憂必有以治河身之高爲上策其
次開淤餉使黃讓淮以安 祖陵開韓家莊使洩關水
以保運道爲中策若其他妄更置者爲無策於是請議
盡廢獨韓莊被毀而漕艘安流分黃導淮而 祖陵無

志節嘗言人須辨得真爲國家之心。毀譽恩怨不入於
胷中。而後可以論天下事。設在兵革年餘。謗謫守功令。
上下無援。而獨以身障狂瀾。摩切黼辰。關持人主左右。
雖幸聖明優容。然亦懇真以厲矣。卒以父喪去。君喪節
出足跡不窺城市。終其身節清真澹。素食不兼味。衣不
重帛。動止尺寸森然。擁書一室。累歲月不厭。朝章國典。
鉅細精研。真有得於寧靜淡泊之旨。自爲郎。至符卿。十
九在告。出亦多在南。自勳卿至司空。僅五年。而乞身章
至十五上。每云。吾官且夕可去。而後無負官使朝廷無

可輕之大臣而朝廷重其指可觀已事封公履未嘗有
聲語不露氣謹候七箸微不憚卽徬徨無容身地益老
而猶若孺子然其行於俗有義田有義學有宗老會無
年之七十以上者所著由醇錄行於世所集琬瑛廣錄
西吳琬瑛錄紀錄彙編古文類抄并他疏議解記雜著
文若干卷藏於家節之汰也赴吊者不遠千里山陰王
相公南阜鄧公至歎節古相寒松不可再見太倉王相
公常稱節朝市中隱淪豪傑中處子時論以爲尤

工部主事戴時化贊

續贊字時化奉直公橫之季子也橫有至云伯贊傳
晉書贊乃屬勸治買事贊入城匿僧舍中聚書而讀
博學不怠日誦數千百言比伯仲相繼舉進士益振
發憤請經史百家言無不研綜爲文下筆滾滾無停
蓋唐庠序中乙酉舉於鄉入南太學乙未成進士授
鄆都水師主事治徐州洪洪故有二道外洪大石隄
小者較狹時時破舟殺人而內洪則紆迴滯澀沙石
閉不可以舟又堤岸善崩隄而窪者大半贊至則
經畫琢其巉岩碎其磧積直其捷曲拔其壅塞以
便

路延袤二十里許。船艦上下如履平地。舉數十年積蓄。一旦夷之如決。瘴徐故有義倉。業已圯。黃輒修建。屬宇儲積粟。參以備艱凶。適明年大侵。發粟得二十餘萬石。歸洪數千家。賴以全活。無一人轉徙者。饑孳盈野。召瘞夫與之粟。而瘞之數日而盡。逾月四方大疫。而徐不瘞。財。擔。衛。之。力。也。會父降生之辰。以不得親上壽。觴爲恨。懇請於當事者。未得。謝事歸者。不許。輒涕下。爲之不食。竟鬱鬱發病死。黃事父極孝。而卒死於孝。議與不議。皆哀之。平生好觀古書。墳典不去手。出爲詩文。雄俊警世。

不作經人語有少山集若干卷藏於家

王部右侍郎嚴應階時奏

嚴時泰字應階漢子陵之裔世爲餘姚人登弘治辛未
進士授深陽縣知縣邑人張湛者素兇悍睡毗殺人莫
敢誰何泰庶得其實擒而置之法召拜南道御史以薦
晚例改鎮江府同知轉福建鹽運司使有涪州場者與
島夷相隣恃鯨波之險三十餘年課賦不輸莫敢徵
泰曰爲君之吏奉君之事豈可以風濤之故而自沮哉
連揚帆抵塢旬餘輸稅以萬計陞雲南永昌府知府

得爲新設奉治之以不消設學校選民夷之僞帶者訓之以理義而銷其彘惡莫不長威懷德有草木知名之誼以功陞山東兵備副使時水旱頻仍民艱粒食尙議奏停起運民稍甦息又多方設法賑濟充膏之民治糶數十萬壞接黃河不時淤駛泰經略有方水患頓息尋轉廣東參政以從征安南功陞福建按察使尋陞四州右布政使未任轉左時建尤廟採木於蜀夙夜圖維以副其用白草書徧諭平之以兵尋以宗室屬籍久絕極爲題請陞南京太僕寺卿期月轉陞右副都御史還鄉

四川都蠻不靖茶毒西土稱王者十餘人秦出奇兵剿之斬獲千餘人渠魁投首露布以聞加俸二級陞南京工部侍郎引年歸卒年七十有二

工部侍郎方應

弟矩秋附

方應新城人嘉靖辛丑進士授江西南康府推官決郡獄如迎刃以卓異徵例得臺諫庶以言責非所任力辭乃授禮部祠祭司主事歷員外郎郎中時世廟有事春官罷朝餘十年所肅時時率諸同舍討朝儀而肄習之同舍或譏庶郎竟拜無所用垂衣安事綿葛及夷虎

處人

上梓臨朝。肅相大宗伯上朝儀。循行無所失。大

宗伯爲雲間徐文貞。階心獨多。肅會島夷。數寇與雲。巖首被難。大宗伯言之太宰。則以肅出守雲間。肅至。亟蒸上海城。朝登陴而夕禦寇。寇無所逞。悉宵遁。復請停徵發寬田租。以甦民力。治最天下。陞廣西按察司副使。進廣東叅政。當是時。大宗伯業入政府。適江南撫臣當更置。首推毅故雲間。守福之。上以爲然。遂進都察院右僉都御史。治軍督儲如故。肅以兵荒代。至民將不堪。抗疏數千言。直陳民間疾苦。於時得減賦百餘萬。不書出。

民。漢中中言者罷歸。穆宗改元起南京大理寺卿。遷左副都御史。總督漕運。請留徐州商稅以佐河。如臯屯兵以獨坐食。歲計減省踰萬。繫令爲常。轉南。工部侍郎請老歸。日與仲弟少府。矩季弟典儀。秋左在。杖屨間。時討諸子姓而訓之。先禮義而次文藝。歲大饑。請縣出倉粟以賑。慮其不任而中道。猝則又出私粟作糜備之。松島二。漢當巨浸之淫。噴堤梁悉圯。廉倡衆築堤以備水溢。甃石梁數十丈。以便行者。閭里皆頷德而化。無何而病。自歿。死日。先期。命于城。祿衆薪以備四體。

獨家人勿哭。衣棺就枕而逝。時年七十。

太僕寺少卿馮鳴陽應風

父左亭附

馮應風字鳴陽。會稽人。生而警敏。有異質。父左亭。青童之曰。此兒類我。遂破產以資讀書。弱冠。餓於庠。文日益。有名而家日以落。於是外資彫。以佐養。而內益於書。於學。癸酉。舉鄉試第八人。明年成進士。令丞豐。丞豐。襟江。遶湖。田時出。水下。歲不得粒。食而得鮮。邑以故。災。貧。民。風至。進父老於庭。問水所惠。若狀。爲躬督。版。重。築。堤。以。捍。其。流。皆。成。沃壤。民始不鮮食。而得粒。曰。馮公。食。

我遂以名其堤。召拜廣東道監察御史。丁父艱。服闋。禮
陝西時。沐國舍中兒豪奪民田。民洶洶。且羣不逞。以爲
滇憂。乃以風行部。風素有威望。攬轡業已。氣奪至。則論
沐以舊制。卽檄治其奴。責之歸田。而薄其罰。巨鎮帖服。
兵備副使李材。以冒功蒙重辟。繫詔獄者六年。臺省交
章救解。未得會。風按滇。慮得其狀。遂上疏申理。竟得釋。
人謂風一言回天。然風不以微德於李。李出亦不諂。當
時以爲兩賢。洵按江右。適無歲。力爲百姓請命。兩兌得
改折價。不騰踴。而民賴全活。其識諸郡獄。必務平反。一

字不妄下。老吏皆咋舌。謝不及事竣。巡視京營。甄請專
司舉劾。稽將領汰老弱。卽卿寺莫敢撓其議者。營務爲
之一新。故事大計羣吏。河南道董其事。時員缺。以鳳協
理。精心咨訪。所廉察時出人意表。無何出理長蘆。雖務
時同郡。何繼高爲運使。悉是其規畫。而心服其清。巨鎔
某分理鹽課。眈眈若虎。見鳳輒斂手相戒。以故商竈蒙
利而安。僉曰。天道有知。宜令馮公有子。因範金爲嬰兒。
焚香虔祝。闕代去。無不泣下者。以累勞遷太僕寺少卿。
所具疏乞歸。而疾作。遽死。年六十有二。鳳性宿達。康

敢任而尤篤於孝友事父惟力是視以永豐考稱封公
父笑曰今日養孰與糜脯多風猶酸然及卒哀毀過禮
惟宗師之靡室家者掩骼骸之在道上者曰此先志也
少與葉君實友善而中天相其弟舉於鄉又天家無恙
亂筮笑兩寡命與弟未亡人相依矢節予之田以供
養風凡四奉簡命其所推獎皆名吏謝者以竿履至曰
此公事吾不任受德悉屏絕之遇親戚欬然道舊亦時
時緩急人然未嘗緝理法以曲徇也竟以無子死丑
人哀之曰天道無知令馮少卿無兒

廣東按察司副使許子峻

許嶽字子峻錢塘人登嘉靖庚戌進士第釋褐工部
事權蕪湖稅以冰蘗稱歷員外郎郎中出理九江蘆蕪
蘆政蘆洲延袤千餘里歲入四萬有奇往多爲魏國舍
中兒所沒課不登嶽乃抗謂魏國曰君侯荷國厚恩
享湯沐川澤之利誼不得有所問君侯所不與使君
書具在不敢詭法爲使命辱魏國大慚竟無所撓蘆政
一清權河南按察僉事備兵額上時倭寇維揚揚非所
屬地也當事以嶽才敏以戰守事嶽立至危城備丁壯

據。昨。登。門。命。老。弱。傳。殄。躬。率。職。士。出。奔。破。賊。賊。初。遁。去。
而。愈。城。完。先。是。城。門。盡。閉。郊。坵。之。民。以。避。寇。至。者。抵。關。
號。呼。不。得。入。歎。大。言。曰。城。以。衛。民。也。委。民。與。賊。所。衛。幾。
何。乃。親。立。馬。城。門。下。闔。右。而。開。其。左。令。民。魚。貫。入。入。勝。
畢。而。賊。至。得。免。於。鋒。鎗。者。數。萬。計。當。事。者。悉。其。異。已。隱。
其。功。願。搆。誣。請。污。陽。州。同。知。喑。默。不。言。同。事。以。爲。難。道。
外。艱。歸。服。闋。補。霸。州。踰。年。稍。遷。岳。州。府。判。岳。城。爲。江。水。
所。圍。築。輒。圯。十。餘。年。不。就。及。歛。董。役。築。輒。圯。如。曩。時。嶽。
呼。天。而。泣。曰。築。城。守。土。責。也。屢。築。不。就。而。屢。踏。吾。民。於。

版築之下如守土何備三築不就請身葬江魚以謝百姓夜若有人語之者曰亟穿井城中以灌激潏城宜就獄如其言不驗時而城成百姓感其冥通欣然顧化治遂為三楚最轉荊州調德安同知府事如故尋陞常州府太守常為南北衝郵傳日夜往來如織民不勝供億多弃室而逃者峻調為令使至僅一糲食而已曰吾終不能剝民脂以媚客內艱服除補廣西柳州柳民與從值雜居俗若麻痺耕作而喜從賊峻立命田峻以勸農為首務自舉趾以遠築場身行賦畝間無虛日有力作

者卽止道傍以酒食勞之自是野無與草民以嚴賞也
而程種人犯愾遠戕殺官吏全身震動時議募兵大勦
以震國威峻乃奏記當事者畧曰。猶黃大地蠻徒黃法
法等。桀黠異常變詐百出。頃受招撫尋復渝盟率眾擄
掠。坎城陷邑。賊殺官吏。驅畧畜產。焚燒室廬。窮兇虐焰。
上通於天。竊料賊所恃者山川險塞。巢穴深阻。謂我師
深入難援。則哨聚急則駭散。謂我師追襲難金谿。四林
牙寨。四港。李角。龍潭。楊銀亮等相爲犄角。謂我師并擊
難。歷哨。懸涉。榮茸。觀車。不過五石。背負不過一鐘。復積。

沮如障屬毒螫謂我師潛駛難今下方船出潭江出盜
青船載百二十鐘每葉百束釜纜資械備則師不惟難
而士風飽矣以金谿委融四港委羅擊融羅擣其虛擊
羅融襲其後則力分而不支勢且不得復合洛容一師
絕其東柳城一師絕其西賓絕其南懷絕其北則賊不
得復逸而勢將束手待縛矣然後大師屯烏蠻據武寧
駐劄鼓陸鳳凰則賊之右臂折塞屏石控僊奕則賊之
左肱斷不十日而諸徒之頭致麾下送夫利甯長距終
事擇楊討豕長蛇必致薦食莫刈蔓業無使遺種與此

不治後將滋蔓爲今之計宜先褒崇死事獎勵三軍與
問罪之師嚴首惡之戮解脅從之網則老壯在於曲直
而諸徃慕義安知無異陽居股以應於中哉記奏當事
者咸嘖嘖稱歎曰誰謂書生無將帥材疏請報可迺檄
五嶺苗狼天姥箝銳及下虎符發尺伍各數萬人尅日
大舉而糧餉器械芻交悉取辦於嶽嶽晝夜籌無一後
時諸將因以嶽所上方畧進取屢戰屢捷賊大潰斬首
二萬餘級功上 天子嘉說 欽賜帑金十兩移梧然
梧俗奸訐嶽和之以禮析楊爲虛陞廣東按察司副使

飭兵瓊崖瓊崖居海島中巖巖蔽藿與民人錯居閩乃
狃突爲患而大盜李茂者攻椎剽橫行閩廣間獄乃撫
而用之郡縣悉平尋疏上乞骸骨 予告歸外臣無
干告者蓋異數也獄旣歸而於西心之側菅菟裘焉日
嘯咏其中大吏造請至門不見亦不報建撫銅梁張佳
胤顏其堂曰清風高節君子以爲允卒年七十有一所
著有朱陸同源道德解蒙莊卮言若干卷藏於家

太平府知府吳望魯一儒

吳一儒字望魯歸安人生有穎質喜讀書父以家世業

廣且窘甚無讀書貲則令就外氏外氏亦不業鬻家資
者慈憐其志稍資給之學成而游於庠家愈不支則從
里中授章句藉庭脯以養其父母甲午舉於鄉迨上公
車不第家益落不可支則挾一經遠走江淮南樵吳門
構李間教授生徒資庭脯以養其父母如諸生時庚戌
始成進士授刑部陝西司主事歷員外郎晉郎中守刑
曹若干年盡心平反獄以不寃已而持節省獄蜀中蜀
故西南徼民貧迫飢寒爲盜以米鹽畜牧零星受重斃
者踵相接儒又盡心平反疏其名以請減死論成者三

百六十四人。囚置驛傳亭障之間。及他輕等者。一千三百餘人。其以宿逋除者。又千餘人。而獄亦以不寃以激出守太平。太平在輦轍下。號難治。儒又盡心撫循之。痛損厨傳供帳之具。及蕪抑勢家。請謁平度之私。百姓始得帖席。因遇歲侵。曲爲賑濟。倣富鄭公之法。以輯其流。雖而瑣尾者未幾。又遇旱。絁衣。瓠食。徒步請賑者。積旬。日夜竟以過瘁。致疾。比卒。貧無以殯。官塗令沈子木爲之。檢閱郡之吏民。孳號者累日。相與引辨。而遞送之。江。得年僅五十。有六。儒性至孝。父嘗以事忤邑長吏。嘗獲

幾。幾。且。擬。之。皮。儒。力。不。能。解。乃。倚。邑。門。而。號。不。絕。聲。者。
五。晝。夜。長。吏。憮。然。曰。人。有。孝。行。若。此。而。可。重。困。乃。父。哉。
立。釋。之。而。躬。自。折。節。於。儒。爲。知。已。交。以。刑。部。考。封。父。如。
其。官。里。中。人。相。與。修。之。且。曰。吳。翁。不。及。以。經。教。其。子。而。
卒。贈。之。以。榮。也。如。此。三。子。人。龍。人。豹。人。驥。俱。肄。學。官。稱。
高。才。人。驥。以。捍。母。中。盜。流。矢。歿。自。有。傳。

江西按察副使吳宗乾源

吳源字宗乾錢塘人博學有才名弱冠以文章高等當
廩學官會同舍生年老需次輒讓之益務讀書如故以

禮經第二人薦戊戌成進士授工部其銜司主事出權
荊州稅以廉稱尋轉屯田員外郎會有太廟之後奉
勅督木運於江淮間不嚴而集無後期遷廣西倉事屬
郡嗣寇有掠人妻以邀厚贖者官兵不能制源用間擒
之并滅其黨撫臣以爲才凡入奉謀畫出董師旅多以
屬源閱歲徙江西時贛故所招新民互相殺會有以反
告者幕府議以兵往源謂仇殺新民故事耳激之則易
以滋亂不如遣間諜柔之幕府以爲善卒如源策而民
得免於兵遷福建布政司奉議福故以處阻歲出其所

徵易輕齊市諸物以輸之京而所市物利害相去或倍
莖管輸者偶值其害卽破家不足償後益逋不赴源至
三分其等爲上中下以極利兼極害者中則自爲一等
不相兼輸者趨便而後益集久之會御史某以清軍至
檄源厚聚賂以貽所趨附源却之竟以是被摺歸源爲
人謀厚簡慎貞亮惠慈故所至並以德稱至於窮研博
極稽攷作述尤爲當世學者所宗云

吏部侍郎陶虞臣大臨

陶大臨字虞臣莊敏公諱之孫少端毅不妄言笑六歲

出就外傳有朱先生者好爲禮使童子習洒掃拂几履
席夷其貴於賤者夏不得揮扇臨獨樂之曰童子分同
當且夫習則不勞靜則無暑朱先生以語莊敏公而奇
之臨嘗問至莊敏公書閣見名臣奏議轉手爲褒錄得
數卷莊敏公益奇之曰是兒其中人也十五慮於學官
三十而成進士以射策第二人賜及第授翰林院編修
故相嵩耳濡名欲致之門下數遺其子世蕃候臨輒拒
不見以刺報時吳給事時來慷慨慕直言每共揚扞世
務時來大言曰今日世務孰先於去相嵩者因出其疏

草臨讀之曰是爲名計也爲勝之則毋觸縣官諱。汝其甚者已時來論上不勝下詔獄詰責所共謀。五毋青備或傳且誣伏者。臨聞之泰然。遣餉藥物醪糴爲偵伺耗息時來謝毋重累故人。臨笑曰固也奈何使君獨爲善時來得不死以戍去而臨亦以內艱歸。服闋仍故官。校錄永樂大典。嘗是時華亭柄政。心器臨數引與議國事。會世宗晏駕。遣詔及他箋表多出臨手。華亭益器之以爲才。無何以外艱去。甫服除。召克世廟實錄。俄校應天試。拜南京國子祭酒。未幾以少詹兼侍讀。

學士召侍。上講讀於春官。上踐祚，遷禮部在侍。既
兼學士，侍講讀如故。上雖在幼，冲聖賢，不世出，臨歷
所以故，翼之者，首講大學，謂明明德如磨鏡，不真昏，精
民如斡衣，不虞污，止至善如赴家，不虞遠，是在於性，真
未鑿，時擴克善端而已。每所陳說，至謹天戒，法祖孝親，
節民隱，慎用舍，廣容詢，飭邊備，諄諄乎有味言之也。每
進講，左右皆目相指而。上亦嚴重之，亟稱先生而不
名。改吏部黜陟，惟允。時稱水鑑。未幾，以疾卒。年僅四十。
人計開賜祭葬，贈禮部尚書，諡文僖。忠孝友天至，既與

伯氏相師友。伯氏數奇。屢食貧。然臨莊事之不。聽以。履
行遺家世二千石。產可中上。而臨自奉極薄。食不遇。第
器衣無重綵。而好施。子獨異。是友人朱。家貧。事。極
死無子。其妻復以節死。臨先後爲治喪葬。養其父母。後
言之有司。立祠祀之。曰節孝。其待臨舉火者。三。當諸戚
以及間之左右。無慮數百家。皆取之。若困。也。臨每恒
言曰。爲善。用極。爲惡。亦用極。譬之。峻乎。南。益。南。地。財
益。比。嘗讀孟子。至收放心。未嘗不撫卷三歎。且曰。憂勤
惕勵。其古帝王之心印乎。子允宜幼承家學。鄉會皆魁。

其經居官多善狀稱世德未艾云

禮部尚書孫志高陞

孫陞字志高忠烈公熾之季子生聰穎喜讀書甫就數
千言尤喜爲古文時年十六補邑庠弟子時伯堪休學
兩兄旣入高等皆十年以長而陞名與頡頏未幾忠烈
死逆濠之變兄弟聞訃誓死赴讐廬墓茹素語在伯子
旌孝集中御史韓君聞忠烈三子賢一見禮重之尤憐
奇陞以爲年少而才固試越王臺用古文現揮血書
百言韓君驚詫曰此今之王勃也嘉靖乙酉癸乙表

舉進士第二人授翰林院編修初丙戌伯子舉武科第一至是人以文武及第爲忠烈之報云晉右春坊中允主南畿試尋陞國子祭酒力以師道自任嘗念諸生性逸難制宜懸格使不犯乃署爲二十二條執行之雖親貴關說弗聽至遇貧喪出粟爲助人咸德之陞禮部右侍郎奉勅督建元祐官於舊邸有司以大臣特命乘傳供帳甚具陞曰茲非赤子膏血乎悉揮去惟聲徹數千里事竣還改吏部左侍郎無何以母憂去伯子又道卒陞歸執二喪如喪忠烈時服除徵爲禮部左侍郎旋改

吏部左陞樂道人善察可用卽以白太宰不欲其人知也視金帛雖毫末若將浼已人素信之故前後在銓曹無敢有私入一物私干一事者未幾晉禮部尚書以疾卒贈太子少保謚文恪陞爲人孝友天植痛父之死總手不書寧字不爲人作壽父文母楊夫人年九十陞爲侍郎每公退必稱觴盡飲稍不釋長跽不起事伯兄如父無巨細必稟命坐必侍側終其身不改性恬淡無所嗜好一介之微苟有未安則曰趙清獻必不如是一切不問生計故躡登廳仕而家益貧尤泊於進取當分宜

專政。陞其門人，乃自吏部乞徙而南。其跡益遠而名益重。平居自讀書考古外，絕不與他事。唯以水旱寇賊爲生民憂，至形之詩歌。以風當事者。交游海內，簡直寡合。非其人，不得親。然實能容絕口不談人。對又重義好施。貧賤之交，賴之存活者數十家。其教諸子，不專文藝，以名節相誡勉。爲文宗兩漢詩宗杜氏。所著詩文若干卷，藏於家。

工部尚書潛時良季馴

潛季馴，字時良，烏程人。由庚戌進士，授九江府推官，召

拜監察御史出按廣東提督北京學校遷大理寺丞歷
少卿始擢督理河道右僉都御史以言歸未幾薦起撫
江右遷刑部右侍郎旋進右都御史兼工部左侍郎總
理漕河錄河工晉太子少保工部尚書兼左副都御史
改南京兵部尚書忝贊機務召拜刑部侍經筵駕幸
天壽山奉勅居守尋罷歸尋以薦起爲河道都御史終
工部尚書當乙丑河決沛縣肅皇帝特遣大司空乘
衡督治而命馴副之馴躬行督相不三旬而告成比原
計月日省十之三帑金省三之一庚午河稍南徙決隴

寧滯其陸百五十里，皆蕩爲平野。嗣後以故節來蒞事，而廢址盡復。其所浚築，深厚再倍於故河，而費半之。攷議與勘河給事左，坐浮議去。去而河決崔鎮，以比淮決高堰以東，清桃塞，海口漚而淮揚高寶與埧諸郡邑，幾漚爲巨浸矣。於是天子思駟功，凡再起再廢治河，具有成績，其大者塞崔鎮，隄歸仁，而黃水悉歸故河。築高堰，黃浦入淺，而淮水復出清口，會黃東入於海，而海口遂開。復築遙堤，十餘萬丈，以爲外護。旣告成，錄其功，所加築上堤，縷堤，月堤，路堤，長堤，橫堤，守泗堤，奇子堤，凡

三十四萬七千八百二十五丈有奇、磯閘料廠凡二十
有四座、石壩、土壩、月壩、護壩、凡五十一道、漕污淺塞、决
口、鑿老土、凡三十萬一千一百丈有奇、裁護堤柳、八十
三萬有奇、前後十餘年、輶車所至、更數千里、馴與役夫、
雜處、舂鍊、葦蕭間、沐風雨、裹霜露、髮白面黧、而後兩河
合軌、數萬艘、轉漕無害、緣河之民、始復見室廬、丘壘、煙
火、彌望焉、馴之言曰、通漕於河、則治河、卽以治漕、會河
於淮、則治河、卽以治淮、合河、淮而同人於海、則治河、漕
卽以治漕、故竟馴在、渠止以築堤、東水、備水、攻沙、爲、

全第一義而其節目細瑣具載駟所著河防一覽中其
大夫探圖而覆讀之且不能竟卽竟之而或茫然不得
其要領嗟乎是宜駟歿而議者之曉曉也方駟之督視
也日夜寄命一葉往來風雨中或暴洩或略血或裹進
視事未嘗以病解嘗露坐河壩水忽大至距其前僅尺
餘衆皆驚走駟屹不動卒無恙又颶風吸舟入決口左
右戰泣無復喘聲忽有樹杪擁舟底得脫明日探之無
有也父老立石於河湄曰潘公再生處駟壯於河老於
河病於河乞骸之日猶奉旨與疾行部且請開夏鎮禮

河又手疏八事以歸歸已疾革猶喃喃河防不去
乎若馴者可謂以死勤事者矣馴死十二年而始得諡
冊及進官保如例

刑部主事陸元晉梟

孫基誠附

陸梟字元晉平湖人自幼凝重不好弄長益端友勸此
有法雖宴居如對賓客未嘗有惰容至其與人接見操
履平常若有以自下雖閭閻高華子孫興貴處之消然
惟汲汲行義日不暇給也尤篤於孝友季兄死薄月十
號絕而復甦居父喪哀號徹晝夜慘不入口者六日

書。性。性。達。且。不。寐。舉。嘉。靖。丁。酉。鄉。試。第。四。人。辛。丑。舉。選。士。以。刑。部。主。事。理。漕。刑。執。法。不。阿。與。漕。臣。不。合。而。罷。梟。畧。無。愠。意。且。曰。得。祗。修。禮。訓。以。式。鄉。閭。豈。不。若。一。官。耶。乃。倡。諸。子。置。田。八。百。畝。歸。景。賢。祠。以。周。族。人。曰。優。老。曰。賑。貧。曰。勸。廉。曰。育。才。曰。助。婚。曰。助。喪。條。規。甚。悉。謂。之。族。田。又。置。田。五。十。畝。歸。世。德。祠。以。供。禴。祀。謂。之。祭。田。羣。里。族。之。子。弟。置。塾。講。業。置。田。二。百。畝。以。給。稍。廩。謂。之。學。田。以。宗。族。日。繁。更。徃。不。支。也。置。田。三。百。畝。分。贍。之。謂。之。後。田。平。生。輕。財。好。施。內。外。宗。黨。以。及。朋。友。無。不。受。其。惠。多。

有割產以食之者。歲首會祭先祠，虔行古禮，召諸子姓，勉以孝弟，有不幸者，必以夏楚承之。以故子姓皆馴馴有所化導。又講行鄉約，里中少年，卽有不檢者，耻爲其所聞也。漸皆改行。吳中人士，無不高其義者。嘉靖中，島夷內寇，首建議築城，捐資爲倡。已而寇至，得賴以免。年七十三，無疾端坐而逝。子四：光祖、光祚、成、進士。餘鄉舉。光祖仕至冢宰。光祚仕至陝西提學副使，各有傳。光祚子曰基誠，字存卿，少爲諸生，篤學，重義氣。上繼祖志，益邁種德。戊子歲大飢，悉發儲畜以餉族若戚，而備擇五

父之衢爲廉粥以食饑者所全活無算復談義冢市糶
積收路殍瘞埋之度大疫之後且有。大疫豫劑藥餌以
持已而果然以施疫者疫良已自是懸壺施藥以爲賞
誠抱長才弗克試而精心饒於爲吏子錫恩成進士令
萬安。誠手書親民要畧三十條授之錫恩奉以周旋邑
用大治卒獲報最受封如錫恩官卒年五十有六誠性
簡重平居不見喜愠雖處華胄而風槩泊如自奉節儉
二簋三泔軼五十年不渝而一遇好施則千庾爲傾誠
誦其義者迄於今不衰。

山東左叅政馮元卿敏功 子伯禮附

馮敏功字元卿揚州司馬汝弼之子嘉靖丁卯領鄉薦
第三人壬戌成進士授禮部祠祭司主事轉主客員外
郎進郎中遷江西布政司右叅議分守南康九江敏功
行部至南豐而浙兵調者以餉不足方大掠敏功召其
長好語之曰而與我鄉人也故爲而言一反手間名爲
賊天子檄大軍至養粉矣餉不足吾爲若治餉其長
悅敏功卽料倉粟庫錢次第屬於舟使一郡佐導之出
疆而選精銳尾之賊懼不敢動屬友議均田而敏功所

師多山高下饒瘠異狀乃同善計筭者周行阡陌間計
私受稅毋得伏匿又爲之平亭其役留籍未三年以才
舉拜山東按察副使飭徐州兵備兼治濬河甫至而河
決靡寧漕艘之阻者數千計漂廬舍人畜無筭敏功卽
受計大吏調士民日夜併作與其下分功任難無何決
塞各就緒漕舟漸通而大風雨彌旬水暴漲諸塞盡潰
湖與河一來攻邳敏功時按部邳下令土其門水遂巡
解敏功乃行視諸決口皆就塞僅月餘而水復漲敗闕
家口以西復築之自是土漸堅實不受侵矣會徐州靈

壁諸邑舊隄潰。敏功又受計大吏所獨治者。南自曲頭抵青田八十里。北自陸灣至呂梁四十里。所與監司曹郎合治者。直河以下南岸幾千丈。又自茶城踰華威山。曹築卑堤一百六十里。以遙衛漕河之間者。諸經畫。版築。槌木。薪土之費。與護視斥堠約束。惟敏功行之最精。監司曹郎咸則焉。敏功素壯盛。當其治河時。往來寒暑無間。糲糶胼胝見者莫辨。識遷河南左叅政時。少年喜事者欲從。泐口穿葛墟諸山。抵南北大湖。中界兩長隄。爲運道以示奇。柄相以敏功熟於河。徵敏功與議。且將

屬之敏功念諸山道約二百餘里多磐石徑砂不易鑿
大湖相連十四不易隄民力之幾何而虐用之持不可
乃寢而喜事者又欲別錄海通膠河其視漕稍徑而中
皆高嶺巨石東土瘠人疲不勝甫舉事而驚潰者再矣
乃移敏功山東敏功議以膠工不易興且不易竟卽竟
亦終塞縣官故不乏金錢奈何悉捐以填無用而勤此
數十萬人力也撫臣採敏功議上聞失柄相意遂舍敏
功而他屬卒如敏功言費至十三萬金而無尺寸利柄
相稍惡沮始用廷議罷之而敏功乃歸職念父老乞休

已而父母相繼卒。服除。仍故官。改佐漕運。淮之南。故有
御伯寶應高郵三湖。相連爲巨浸。漕舟過者。徃徃多漂
溺。因議漕內河。通之。御史大夫王廷瞻疏上。得請。而敏
功任其難。敏功於河事故。心通而役者。皆習其能。工以
故。大集敏功。益不愛其精力。水陸奔走。凡七晝夜不休。
遂得疾。將屬續。張甘。妻子環泣。屬聲曰。人孰無死。吾幸
獲以勤事死。何憾。呼之。家事不答。第曰。內河成於國計。
甚利。第太遲。湖湖善潰。而隄薄萬一。如瓠子。數百里。魚
鱉矣。幸語當事者。剗削隄。以護之。已而顧其子伯禮曰。

吾死死必有購女，却而歸，諾官言已端坐而逝。年甫六十，敏功天性孝友，揚州公嘗卒，避盜，敏功冒鋒刃而出之，愛其弟敏效尤篤，事相師，產相讓也。與揚州公俱善治生而至饒，乃能以義放施，不吝平湖之人，至今咸稱敏功。父子伯禮，字節之，好讀書，負氣節，赴人之急，出貸力如弃，批裨人以為有祖父風，弱冠為郡諸生，屢試不售，遂挾策北上，諸縉紳欽其才，皆虛左以迎。伯禮益不喜一切謝去，獨狎諸文豪，日飲燕市中，醉輒放髮長，嘯或走易水上，尋故高漸離擊筑處，低徊歔歔泣數行。

下見者莫測其誰何。客燕六年，竟以無所遇卒。年僅四十有五。說者曰：昔燕臺駿骨以死售，而馮伯禮俠骨，領以不售。死士負超軼絕倫之才，不得一當知己，其坎壈可勝道哉。當是時，齊吳鮑生應選，江右歐陽生瑛俱游都下，與伯禮爲文字交。時兩生者俱無子，伯禮先後出橐裝爲兩生買妾，各開別館以授之。未幾而兩生各舉一子，十林以爲美談。故於伯禮之卒也，天下名士爲執筆吊誄者數十百人，而兩生之文尤佳。

姚旭字景陽。湖之石門人。少治尚書。補邑弟子員。克貢
爲國學生。拜官高郵州判官。郵故水壑。而旭爲判官。疏
治水壑。繕完白馬湖。湖故隄。又次隄下。通水。既並湖。出
郵人及往來者。皆利賴焉。嘗署州事。有千戶劉某。坐疑
獄。論死。家苦貧。不能關說。會獄。獲旭。出閹獄。次逮。劉出
伏。庭伸天者。再首領。日呼曰。日顧猶在耶。左右杖呵曰。
何言也。劉龍曰。某繫獄。自以不親。日又竊爲或亡爾。旭
異之。屏左右。問狀。劉頓首流涕。良久曰。某重罪。法固當
早戮。無赦。顧復何言。旭覺而詳置之。陰令人刺其所爲。

狀卽召更徵白御史竟出之郵人以是愈重慕旭然
故喜施雖在官中亦不廢施故人就旭者幸得所欲去
以是鄉曲常連接官署中而旭又不善結納顯者竟坐
是罷然旭不以是更念也歸而益務施無倦色視戚
如外庫然於諸昆弟尤篤諸昆弟或不能守故所分
產其產且盡旭輒割已產與之而旭所自有產實不豐
以故鄉人無老穉皆推旭爲長者卒年六十有五子
有傳

大理寺左少卿商尚德爲正

尚爲正字尚德太僕卿廷諫之子登陸慶辛未進士第
授刑部主事簡爲江西道監察御史甫三月卽出按處
東故事御史更中差滿始專按部而正以部郎新得爲
之請藩臬大吏意不謂輒能或匿端試質疑事及見折
所威相顧失色時膠萊河役起作者漬餼渚中蟲生於
股人情騷然環喙首議者欲爲變正馳往慰定之會奉
詔接驗正上言所穿處石盡水出且汲且挑工力甚費
就令渠成而麻灣海舍淖河各數十里潮激爲溝澤平
盈尺朝濟夕淤卽別開一道行且復然恐徒糜才力終

無所就。又言倡議大臣乃心國計。願弗以事之成敗。任事者心。疏奏後罷。當時稱其有體。居山東。吏民畏。如雷霆轟然。各在其首。及改秩閩。則盡銜芒角。爲簡。民得日入。愬事。往往奉問。盡得吏奸。良民間曲折。狀。率衛將暴於軍。軍縛之。懸旂閉門。爲亂。正聞變。亟馳檄。收衛將庭笞之。衆遂解。已而縛首亂者。斬以徇。一軍。慄初。臚御史情。鵬之。按浙也。更均。爲條鞭法。至是。固正謂此善法也。宜通行。講閣中。然且室不利。多。正力持之。乃矣。民歌思並祠祀之。稱爲。臚父商母云。未。

幾以臺憲督學歲內爲備者宗已從御史父次擢大理
評石少卿尊轉左時江陵都政地急材見正明練善持
議論意重之以爲異日可大用數稱美於朝然正益自
力於職事務遠形迹及江陵敗諸任事者幸以黨附見
指獨正無纖毫染然正與人言輒曰張公知我人以此
益重之無何乞身歸正從始仕至官九列纔十年耳筆
持斧備歷榮要人謂正材固足以致之不謂驟也性敏
捷強記多所討覽言之皆有條貫時與長官論事輒爲
言往代云何與今時制沿改云何擘畫詳允如宿吏老

宦聞者驚服。既處憲職，所條奏咸中體要。於是執政者稱曰：商御史總鎮材也。而卒以少卿罷歸。論者惜之。卒年七十有六。

太醫院使朱宗魯傳

朱儒，字宗魯，其先吳江人。移家秀水。兄弟四人，將析箸鬻悉以遺業讓之，而自用醫。顯入都會大疫，起死人無算。貧者不受謝，且輸銀錢爲調理費。由是名震。選授太醫院東序，補積善院使。嘗侍疾禁中，一日上御文華殿，殿閣召儒診視。儒奏：聖體病在肝腎，宜寬平以養。

氣安靜以益精。上首肯之。自兩宮。太后及。皇姑。公主有疾。率令中涓言狀。從。僑受方。多效。時有大官之。賜。一時諸公卿爭延致之。僑自論病。議方。而外語不。私。卽。惟笑。移日。杯酒相洽。益恂恂。自飭不以昵。故有所。于。故諸公卿爭爲倒屣。每里中子入都。僑戀戀。桑梓。嘗。死者輒經紀其家。歸其喪。人皆德之。稱爲長者。年七十。有七卒。

湖廣布政司參政王宗魯泮

王泮字宗魯山陰人嘉靖中進士萬曆八年知肇慶府

十工年遷按察司副使分建嶺西亦濬肇慶慈愛穆

士民見者語次尋繹甚有恩惠未嘗疾言遽色於人而

確然有執錐門生故交無私也好爲民興利興起學校

浚。歷。水。由。城。東。石。頂。出。收。皆。一。鐘。且。束。地。氣。宜。有。樹。

廟。導。後。瀝。水。瀝。水。入。江。宜。橋。之。則。僑。躍。龍。浮。屠。於。石。頂。

之。上。於。學。官。便。則。建。崇。禱。浮。屠。通。北。港。利。高。明。則。通。北。

港。高。明。學。東。空。曠。宜。浮。屠。於。其。東。郊。大。葦。肇。慶。陽。江。學。

官。又。爲。陽。春。學。置。田。便。於。士。民。者。爲。之。不。啻。飢。渴。功。成。

太守時未就於監司竟之亦不幸也肇慶幕府所治兩

學憲臬使者，若四方之賓，無日不至。積節出，日晏不遑
暇食，不致貶已。人人得其惟心，盡便事。悉中窳幕府，其
重之。府江之役，懷賀之役，珠池之役，皆有勞焉。泮性恬
淡，自奉如寒士。居官，庶潔焚香，靜坐若禪室。然詩、辭、泮
雅、書法，遺麗有其家。右軍、右丞之致，粵中文士皆來就
正。而郡中子弟，又時以舉業請，則擇程式示之。如羣飲
於河，各厭其腹，以去。十六年，遷湖廣叅政。高要士民無
不遮留泣下者，建祠祀之。俎豆至今弗替云。

廣濟名醫錄卷之三十三終